



# Tir Yimym

www.tiryimym.in

Regd. No. RNI. NAGAAO/2004/13113. Postal-NE/RN-717.

e-mail : tiryimym@gmail.com

TAPAK 8

Yangia anidakangma :



Tir Yimym



tir\_yimym



tir yimym

TAPAK 7

### Novak Djokovic Brisbane nung asaya-a 2025 kum tenzüksü

### Nepal-i China den Belt and Road tenangzüktepa yanglushi

VOL. XXII ISSUE NO. 56 (ADOK 56)

DIMAPUR

YANGTEPNÜ (THURSDAY)

LUCHII (DECEMBER) 05, 2024

₹ 5.00

## Nagaland-i KPIs regional workshop nung aden

**Dimapur, December 4, 2024 (TYO):** Nagaland nung teshimtet telok kati Key Performance Indicators (KPIs) tajungba akümtsü atema regional workshop nung shilem agiogo.

Iba sentong nung December 3, 2024 nü NITI Aayog-i Itanagar, Arunachal Pradesh nung "NeVolution" kübok ayongzuka agi.

Iba workshop ya Aspirational Districts aser Blocks nung shisaliok tsütsü tayongzükba balala ajuruba lemsatap.

Nagaland nungi Principal Director, School Education Thavaseelan K-i technical session tanabuba nung onir shilem agia liasü.

Thavaseelan-i tesayurtem nem training agütsütsü aser olemteptsü sabang yanglutsü nung temulung agüja jembü.

Nagaland dena Northeast state tem nung sobaliba temeyoktep nungi kaketshirtem dang sayuba, senotsü amshiba, poor quality results, high dropout rates aser

teacher placements & training atema senotsü peria manguba tayongzükbatem lir ta paisa ashi.

Iba workshop ya Arunachal Pradesh Deputy Chief Minister Chowma Mein-i lapoktsü.

Chowma Mein-i o jembidang infrastructure, teacher training, pedagogy aser dropouts ajema akümtsü indang jembü.

Nagaland nungi teshimtet telok nung Principal Director, School Education Thavaseelan K, IAS, Khongsa EAC, Kiphire & Nodal Officer, ABP Yithachu Thur, Sub-Divisional Education Officer, Atoizu, Zunheboto K. Huqheto Chishi, Coordinator EBRC, Pungro, Kiphire Hanrenla K, Aspirational Block Fellow (ABF), NITI Aayog Thonoknyu, Noklak district Prarthana Pawale, Aspirational Block Fellow (ABF), NITI Aayog, Akuhaito, Zunheboto Kivikali Achumi aser Aspirational Block Fellow (ABF), NITI Aayog Khongsa, Kiphire Sukanya nung liasü.

## Toyota Hornbill Music Festival 2024

**Kohima, December 4, 2024 (TYO):** December 2 nungi main arena, Naga Heritage Village, Kisama nung Toyota Hornbill Music Festival 2024 agiyonga arudar.

December 4, 2024 nü iba kenten benjung nung Arogya, Version2 aser Rain in Sahara teloktemi shilem agia liasü.

Day 5 (December 5) nü Ticket to Hornbill Music Festival

nung runners up Project Anonymous,

Mumbai nungi adianu PXP den singer, rapper, & multi-talented artist Pratika, aser music producer & sound engineer Prabhu Neigh nung shilem agitsü.

Day 5 nungsa South Korea nungi nungtugu kentener Aora, Shreya Jain aser DJ Stulip nung shilem agitsü.

## Anon Konyak-i Miss Nagaland 2024 korang angu



**Kohima, December 4, 2024 (TYO):** Bodbar nikonngang Beauty & Aesthetic Society of Nagaland (BASN) ajanga ayongzükba agiba sentong nung Anon Konyak A-i Miss Nagaland 2024 takok korang nguogo.

RCEMPA Jotsoma nung agiba sentong nung tetokteper 13 rongnungi Anon Konyak-i takok korang angu. La sülen tanabuba jenjang Nikali K Shohe aser tasembuba jenjang Kelülü Dawhuo nati takok angu.

Nikali-isa Miss Body Beautiful aser Kelülü-i Miss

Beautiful Smile o Miss Multimedia sub-titles angu.

Miss Nagaland 2024 tetoktepa nungsa Lovikali Swu-i Miss Talent, Ayuh W Konyak-i Miss Photogenic aser Vezotolu Shijoh-i Queen of Hearts sub-titles angu.

Miss Nagaland 2024 takok korang angur nem Rs 2 lakh, tanabuba jenjang angur nem Rs 1.4 lakh aser tasembuba jenjang angur nem Rs 1 lakh senpettem agütsüogo. Ano, sub-title award angur shia nem Rs 15,000 den gift-hampers agütsüogo.

## Angami nungeri 25 huba Hornbill Festival nungshilung atsür aru



December 4, 2024 nü Angami nunger lanur 1,500-i Kigwema TCP nungi Kisama Naga Heritage Village, Kisama tashi lung atsür arudang anüing nungi drone ajanga agiba noksa ka angur.

**Kohima, December 4, 2024 (TYO):** Hornbill Festival silver jubilee benjung nung Bodbarnü Angami Naga nunger 1000 temai 'Stone pulling ceremony' ka agiogo.

Angami Naga nung sobaliba nung benshia aruba inyakyim ajanga tesentepertem kanga janratema repranga liasü.

Tourism Department kübok Southern Angami Public Organisation (SAPO)-i stone ceremony ayongzuka agi aser iba ya Naga Heritage Village Kisama nung Hornbill Festival kum 25 ajungba tenüing nung agi.

Union Minister Tourism Minister Ganjendra Singh Shekhawat-i Napfülezha Kigwema TCP nungi iba sentong tenzüksü aser Kigwema Village Council Chairman Balie Kere-i sobaliba temoatsü agütsü.

Iba sentong nung Nagaland Chief Minister Neiphiu Rio, Assembly Speaker Sharingain Longkumer, cabinet minister tem aser tangartem aden.

Angami nunger lanur 1,500-i Kigwema TCP nungi Kisama tashi feet 24 talang, feet 6 tulu aser feet 1.8 temelem lung atsür aru.

Iba lung ya Hornbill festival indang jubilee monolith ama azünga ayutsü.

"Lung atsüba ajanga tashi longjemba tangatetba agütsür aser asenok longjemra tashi aiter

aser asen oboula nungeri iba lung taret atsütetba mesüra parnok longjemra arem min nungi süng mesüra süngkong atsür arutet" ta Union Minister for Tourism Ganjendra Singh Shekhawat-i ashi. "Kasaji, asenok longjemra asenoki tarutsü pututem teimla tsütsü asen linük atsür otettsü. Asen linük nüjiso atema taküm bendanga agütsürtem aser asen sobaliba senmang kumzuka ayutsü atema asenoki akhüm agütsüsüla" ta Shekhawat-i ashi.

Union minister Shekhawat-i Mongulbar nungi Hornbill Festival nung shilem agia arur.

Nagaland nung kenten, sobusolemtsü, chiyungtsü, tsüngsang, teka mapa temeyoktep lir saka item temeyoktep aika liaka Naga nunger longjema lir, ta Shekhawat-i ashi.

"Government of India, Ministry of Tourism and Culture ajanga teyari agüja iba benjung temabai tuogo aser alima ajungai metetba benjung ka akümtsü akok. Alima tesem balala nungi nisung aika iba benjung reprangi arur" ta pai ashi.

"India nüjiso ngur kum 75 süia arudang eastern aser northeastern India senzuka yutsüba atema sasar. India senso aikati Naga nunger, northeastern region nung alirtem ya balaka ta züngshia aru, saka Narendra Modi-i Prime Minister inyaksü tenzükba sülen tesüba kum 10

tsüngda temelenshi aika nguogo" ta Shekhawat-i ashi.

Prime Minister Modi-i mapang balala nung northeastern state tem 70 ben tema semdangogo aser paisa Union Minister temi mapang shia northeastern state semdangtsü sentong atong ta pai ashi.

India koma renloker metettsü atema MODi-i iba mapa inyaker. Linük nung tanga tesemtem ama northeastern state tem aser talisa Nagaland nunga kasa terenlok angur, ta paisa shisem.

Taruba kum 25 tashi nung India ya developed nation ka akümtsü aser iba maparen nung northeastern state tem aser talisa Nagaland-i shilem tulu agitsü lenmang lir, ta Shekhawat-isa ashi.

North Eastern state aser talisa Nagaland nung sobaliba temeyoktep dak linük renloka aotsü lenmang sadema lir, ta Union minister Shekhawat-isa metetdaksü.

"Oboula nungeri mapa tajung inyakba ajak kumzuka ayutsüla aser tarutsü atema ajungkettsüla" ta Nagaland Chief Minister Neiphiu Rio-i ashi.

"Hornbill festival ya benjungtem rongnung benjungtiba ta züngshir kechiyong Naga kin shia indang benjung lir aser iba ya külemi longjemba lir. Asenok iba amai longjemba ya tepelatsü lir" ta pai ashi.

## Assam nung nashishi ayokba aser achiba noktanger

**Guwahati, December 4, 2024 (Agencies):** Assam nung hotels aser restaurants dena public tesemtem nung nashishi achiba aser ayokba noktangsü ta Chief Minister Himanta Biswa Sarma-i ashi.

Tesüba nung tekülem kitem anasa nashishi achiba noktanga liasü saka tangbo state ajungalen

iba tenokdangba agütsür. "Assam nung restaurant mesüra hotel nung nashishi mayoktsü lemtetogo. Maneni public sentong mesüra public tesem nung nashishi achiba aser ayokba noktanger. Tanü nungi onoki hotels, restaurants, aser public venues nung nashishi achiba noktanger" ta CM Sarma-

i metetdaksü. Assam nung aliba nisungtem temulung meyirudaksütsü aser kin ajak putepa alitsü nükjidong nung iba lemtet agi ta pai ashi. "Bhupen Borah aser Rakibul Hussain nati aginüba ataloktsü. Anungji Congress-i iba lemtet pusema nungittsü onoki imlar" ta CM Sarma-isa ashi.



### LFI nung Road Safety Awareness sentong ayongzük



**Dimapur, Luchii/December 04 (TYO):** Livingstone Foundation International, Dimapur nung December 4, 2024 nü Road Safety Awareness sentong ka ayongzükba liasü.

Iba sentong ya Honda Motorcycles & Scooter India Pvt. Ltd. indang CSR inyakyim nung shilem ka lir, kong Grade I nungi XII tashinung azüingba kaketshir asoshi session asem lemsar agia liasü.

Iba sentong nung shisalen sayur ya Abhilash Singh, Area

In-Charge aser Ravinder Kumar, Section Manager, Road Safety Training & Promotion, East Region, Honda Motorcycles & Scooter India Pvt. Ltd. nungertem liasü. Parnok meina Riven Honda, Dimapur nungi Sales Consultants Yakub Wanghu Konyak aser Amit nungera dena liasü.

Sensaksema mapang lenmang nung lendong nungi kumzükba alitsü asoshi lenla balala nung ajemdaker jembishinüa liasü aser India nung gari lendong ajuruba

indang tera kakteta jembi.

Shisalen sayurtemisa Honda indang mangdang 'collision-free society' rateta ashi, kong nisung ajak tetsübo makai lenmang nung senzütetsü.

Livingstone Foundation International nung Road Safety Awareness sentong agidang Honda ajanga alima nung 2050 tashinung Honda motorcycles aser automobiles nung gari lendong ajurudang asü-amar melidaksütsü ta April 2021 nung Honda ajanga sangdongba indang tali jangjatsü.

### Nagaland Angh-i Armed Forces Flag Day nung shilem agitsü ayongzük

**Dimapur, Luchii/December 04 (TYO):** Linük asoshi takum bendanga agütsür aser 'men in uniform' nem akum agüja Armed Forces Flag Day ya linük tesem ajungalen December 7 nü amunger, ta Nagaland Angh La Ganesan-i sangdong ka ajanga ashi.

Pei tetsü tasoli tenzükba nung takum bendanga agütsür dang teti linük sentsüh tulu lir, anungji parnok aser duty nung

yirur alir kisung masü saka parnok kinungertem meimtsü asen mapa lir, ta pai ashi.

Asen wako ya nüburtem teimla aser tejangraba temaitsü, asen linük tejak tentetba temaitsü lir.

Anunghi nübur ajunga dang Defence Personnel, Battle Casualties, War Widows, Resettlement of Ex-Servicemen aser parnok dak metaloka alir ajungtsü mechi

Armed Forces Flag Day Fund nung shilem agitsü ayongzük, ta Angh La Ganesan-i ashi.

Iba Armed Forces Flag Day nung linük meimba aser akumtsübobaba tanüla agi asen mulungjang süngiangma. Tsükchir jakdang asen armed forces tem tasü ita nokdaker, anungji asenoki parnok tasü tait teti bilemtetti aser tasü tait sepaitemi bendanga agütsüba asoshi akhum agütsür, ta paisa ashi.

### Assam Rifles temi Kohima Garrison nung lecture sentong ayongzük

**Dimapur, Luchii/December 04 (TYO):** Assam Rifles temi mapa inyakba tesem nung timtem melidaksütsü mechi Sexual Harassment of Women at Workplace (Prevention, Prohibition and Redressal) Act, 2013 dak sendakba lecture sentong ka Kohima Garrison nung December 4, 2024 nü ayongzükba liasü.

Iba sentong nung o jemibir ya Delhi High Court aser Supreme Court nung advocate aser ano National Legal Services Authority (NALSA) aser New

Delhi District Legal Services Authority committees dedicated to the PoSH Act nung züngsem Seema Joshi liasü.

National Legal Services Authority (NALSA) PoSH Act Committee aser New Delhi District Legal Services Authority PoSH Act Committee nung züngsem ka ama Joshi-i mapa inyakdak tetsürtem dak tim masüba yimya amshiba nungi kumzükba ayutsü asoshi ozüing balala yanglua aliba tejangja lemsatapa liasü.

Lai employees' rights,

Internal Committees' role aser grievances redressal inyakyim indang rateta ashi.

Assam Rifles tem mapa inyakba tesem tajungba kumdaksütsü aser tetsür-tebur mebensai amshitsü indang awareness agütsütsü nükjidong nung iba sentong ya ayongzükba liasü.

Kasa sentong nung shilem agirtem tsüingta sensaksema mapang agia parnoki mangatetjemba asüingdanga PoSH Act kübok teinyaktsü aser temeden tali rajema liasü.



Naga Heritage Village, Kisama nung tang temungdak Hornbill Festival 2024 mapang Ao Morung nung nüburtem adenshia achi-ajemba mapang tangokba noksa nung angur.

### Kisama nung Government Calendar & Diary 2025 ayoker

**Dimapur, Luchii/December 04 (TYO):** Government Calendar & Diary 2025 ya senpak 200 aser 300 agi ayoker, ta Department of Information & Public Relations ajanga sangdong ka nung metetdaksü. Ibai Hornbill International

Photo Festival (HIPFEST), Naga Heritage Village, Kisama nung angutsü. Government Calendar aser Diary den külemi ano Department ajanga adokba kaket balala kasa tesem nung angutsü, ta sangdong ajanga ashi.

### Dimapur DPDB senden December 9 nü amentsü

**Dimapur, Luchii/December 04 (TYO):** Dimapur District Planning and Development Board (DPDB) pur December 2024 atema senden December 9, 2024 anepdang 11:00 ako nungi tenzükba Deputy Commissioner, Dimapur indang Conference Hall nung amentsü,

ta Deputy Commissioner aser Vice Chairman, DPDB Dimapur, Dr. Tinojongshi Chang, NCS ajanga sangdong ka nung metetdaksü.

Iba senden nung züngsem ajak medema arua adentsü ayongzük, ta sangdong ajangasa ashi.

### Standing Board Jump tetoktepba takok Shubham-i angu



**Kohima, Luchii/December 04 (TYO):** Naga Heritage Village, Kisama nung tang temongdak Hornbill Festival nung shilem ka ama Amphitheatre nung raliwalirtem asoshi ayongzükba Standing Board Jump tetoktepba Bodhbarnü ayongzükba nung Pune nungi Shubham-i takok ngua liasü.

Iba tetoktepba ya Kisama nung anogo ter Hornbill Festival nung shilem ka ama anogo pezü asoshi indigenous games sentong Department of Youth

Resources & Sports ajanga ayongzükba alitsü.

Iba tetoktepba nung raliwalir parnok 11-i shilem agi aser Pune nungi Shubham-i feet ti jokteta takok angu.

USA nungi Alex-i 7.10 feet jokteta tanabuba jenjang angu aser Kerala nungi Athealth-i 7.8 jokteta tasembuba jenjang angu.

Assistant Director, YRS, Nyuvitho Nyuthe-i takok angur par asem nem senpet sen 7,000; 5,000 aser 3,000 amokja liasü.

### International Chemistry Conference nung NU scholar temi takok angu



(Abelen nungi achichi) Suraj Kumar, Priyakshi Bora & Tsathrongla Sangtam

**Dimapur, Luchii/December 04 (TYO):** Department of Chemistry, Nagaland University, Lumami nungi research scholar telok kati Mizoram University, Mizoram nung November 6-9, 2024 anogotem agiba National Convention of Chemistry Teachers & International Conference on Current Advances in Chemical Science Research and Education nung takok tajung nguteta liasü.

Iba sentong nung linük tesem balala nungi tejangja academicians aser researchers temi shilem agia liasü.

Nagaland University nungi scholars temia shilem tajung agia liasü.

Suraj Kumar aser Tsathrongla Sangtam nati Best Oral Presentation Award angu

as er Priyakshi Bora nem Best Poster Award agütsü.

Senpet angur nem senpet sen den küm ka atema Complimentary Affiliate Membership agütsü, koba Royal Society of Chemistry (United Kingdom) ajanga sponsor süa liasü.

Research scholars temi shilem tajung agitetba atema tenüngsang agütsüdang Vice Chancellor, Prof. J.K. Patnaik-i ano maneni university indang scholars tem yarisü ashi.

Scholars temi takok anguba atema Prof. Upasana Bora Sinha, Head of the Department of Chemistry ajanga tejak tentetba lemsatapa aser parnoki takok anguba ajanga department-i research tsütsü mera tajung agiba sayur, ta ashi.



# Opposition INDIA teloktep nungi MP temi longkak ait



December 04, 2024 nü Parliament kima Congress MP Gaurav Gogoi, RJD MP Manoj Jha aser Shiv Sena (UBT) MP Priyanka Chaturvedi nung densema opposition MP temi longkak aيتدang tangokba noksa nung angur.

**New Delhi, Luchii/December 04 (Agencies):** Bodhbarnü asükwa mongpu Parliament tagidak mapang nung opposition INDIA teloktep nungi MP temi Parliament kima Makar Dwar nung US nung Adani aitsüba onük nung longkak ait.

MP temi Adani aitsüba ya Joint Parliamentary Committee (JPC) kati bushisüngdangtsüla, ta takhangba agüja longkak ait.

Ano külen Lok Sabha nung opposition lenir Rahul Gandhi, Congress Wayanad MP Priyanka Gandhi Vadra na den opposition MP tem aika rara adokba Sambhal district-i apuso saka Ghazipur arrtsülen police-i parnok nokdanga liasü.

Bodhbarnep Congress MP, Gaurav Gogoi-i Lok Sabha nung

Adani ken o benoka o lemteptsü takhangba agütsü.

US nung Adani aija liaka Solar Energy Corporation of India (SECI)-i ola madokba ya tim masü, anungji iba onük nung o lemteptsüla, ta pai takhangba agütsü.

Adani Group-i solar energy project atema India nung ketdangsertem nem sen crore aika sübokrem agüja lir, ta US Department of Justice (DoJ) aser Securities and Exchange Commission (SEC)-i Adani Group nem tai tonglokja lir.

Yashi Lok Sabha Secretariat-i züngsemtem dang Parliament kikümbang nung ibaji ajanga Parliament Chambers nung züngsemtem

oli-ora nung tetsükdaktsü agütsür, ta metetdakja liasü.

Mongolbarnüa Union Agriculture Minister, Shivraj Singh Chauhan-i Minimum Support Price (MSP) dak sendakba nung telangzüba agütsüba agi melung mesüi Congress-i aniba opposition MP temi longkak aita senden nungi ayazüka lua liasü.

Opposition MP temi Adani

ken o, Manipur tensa aser Sambhal nung raraba atema o lemteptsü asoshi t a k h a n g b a agütsüba ajanga P a r l i a m e n t senden junga makateti arur.

# Maharashtra nung Eknath Shinde-i Deputy CM inyaksü melungogo



**M u m b a i , December 04 (Agencies):** Bodhbarnü Shiv Sena lenir, Eknath Shinde-i Maharashtra Deputy Chief Minister

inyaksü melungogo, anungji pai Chief Minister menden atema shima alisang BJP lenir Devendra Fadnavis den külemi tenangzükba agütsü.

December 5 nikongdang Mumbai nung aliba Azad Maidan nung NCP lenir, Ajit Pawar-ia Deputy Chief Minister tenangzükba agütsü.

Bodhbarnü BJP legislature party senden nung Fadnavis lenir shimba sülen pa leniba nung Angh dang sorkar tasen

akümtsü asüngdang. Osangbenertem den jembidang Fadnavis-i, "Yashi ni Eknath Shinde ajuru aser pa dang, 'Mahayuti teloktep nung inyaktertemi na sorkar nung dendaktsüner' ta shiogo. Pai onok den adentsü ta ni amanger. Onoki Maharashtra nung nüburtem dang nangzükba balala atangji ataloktsütsü," ta metetdaktsü.

"Kü den deputy chief minister anati tenangzükba agütsü. Kasa sentong nung minister kwi tenangzükba agütsüar ano telemetba magi," ta pai metetdaktsü.

Devendra Fadnavis-i tang agi tasembenbuba Maharashtra Chief Minister tenangzükba agütsü.

Tawa Maharashtra assembly election nung Mahayuti teloktepi (BJP, Eknath Shinde-i aniba Shiv Sena aser Akit Pawar-i aniba NCP)-i takok ngua liasü.



December 04, 2024 nü Congress lenirtemi rara adokba Sambhal district semdangtsü aodang Ghaziabad arrtsülen police-i parnok nokdangba noksa nung angur.

# Taoba mapang kiralongrar kati SAD lenir Sukhbir Badal dak akah

**Amritsar, December 04 (Agencies):** Bodhbarnü Amritsar nung aliba Golden Temple kima taoba mapang kiralongrar kati Shiromani Akali Dal (SAD) party lenir, Sukhbir Singh Badal dak injang khaloktsü saka mekahshi.

Idangyongjisa police-i Badal dak injang khaloktsüsangji apu.

2007 küm nungi 2017 küm tashi nung Punjab nung SAD sorkari aibelenba balala atema Badal-i tanünübuba temerenshi mapa inyakba mapang nung pa dak injang khaloktsü.

Badal tetsüng lokpeta aliba agi pa wheelchair ka nung mena aliba mapang nung nisung kati arur anasa nungi pa dak injang khaloktsü. Idangjisa pa anasa aliba police kati nisungba ket nungjagi pistol rakzük.

Badal nem Z+ security agüja lir. Badal dak injang khaloktsüsangji taoba mapang kiralongrar Narain Singh Chaura lir ta police-i jangjaogo.

Amritsar Police Commissioner, Gurpreet Singh Bhullar-i, police kanga yakyaka aliba ajanga Badal taküm

kümzük, ta metetdaktsü. "Narain Singh Chaura puogo aser pa anema FIR ka benokogo. Pa ket nungi pistol-a rakzükogo," ta Bhullar-i metetdaktsü.

Chaura dang asüngdangyaba ajanga dang Badakl khasettsü merangba kuliji metettsü, ta pai ashi.

Golden Temple tekülem kidang security peria agüja liasü, saka tekülem ki asüba agi tekülem kidangi arurtem ket nung raraba hadir ali-mali mita merepranger, ta pai ashi.

Taoba mapang Punjab nung deputy chief minister Badal kinüngtsü aser Bathinda MP Harsimrat Kaur Badal-a pa ajurutsü atema Golden Temple-i aru.

Akal Takht Jathedar Giani Raghbir Singh aser SAD lenirtemi Badal amakbaji sashia aitsüogo.

SAD lenir, Daljit Singh Cheema-ibo iba tatalokba atema Chief Minister Bhagwant Mann-i menden nungi anentsüla, ta takhangba agütsü.

Indian Bank  
ALLAHABAD

**ZONAL OFFICE**  
T. R. Phukan Road, Chiring Chapori, Dibrugarh- 786001  
E-mail: zodibrugarh@indianbank.co.in

Ref No. ZO/DIB/RECO/08/2024-25 Date: 03.05.2024

To,  
 1. M/s. AKI Automotives India Private Limited  
 (Directors: 1. Mr. Kiyelu Sumi and 2. Kimiyetoli Achumi)  
 Address: 5th Mile, Near Faith Service (Indian Oil Petrol Pump) Dimapur (Nagaland), PIN- 797115 (Borrower Company)  
 2. Mr. Kiyelu Sumi, S/o Lt. Kikheto Sumi  
 Address: H/No. 128, 4th Mile, Diphupar A, Dimapur (Nagaland)- 797115 (Director & Guarantor)  
 3. Mr. Akato Sumi, S/o Lt. Kikheto Sumi  
 Address: H/No. 53, Thilixa Village, Block 1, Dimapur (Nagaland)- 797111 (Director cum Guarantor cum Mortgagor)  
 4. Ms. Kimiyetoli Achumi, D/o Shri Atobo Achumi  
 Address: H/No. 128, 4th Mile, Diphupar A, Dimapur (Nagaland), PIN- 797115 (Guarantor)  
 5. Ms. Nukshikala Jamir, W/o Akai Aye  
 Address: H/No. 53, Thilixa Village, Block 1, Dimapur (Nagaland), PIN- 797111 (Guarantor)

**Show Cause Notice for Declaring as Wilful Defaulter**  
**A/c: M/S. AKI AUTOMOTIVES INDIA PRIVATE LIMITED**  
**Branch: Dimapur Branch under ZO: Dibrugarh**

Dear Sir,  
 Nenoki mepishiba nung ajemdaker Bank-i Dimapur Branch ajanga automobile dealership (JEEP Showroom) atema bank ajanga dang sen **crore 2.00 M/s. AKI Automotives India Private Limited** nem agütsü, kong mezüngbubaji Borrower Company aser tanabuba aser tasembubaji directors aser pezübuba aser pongububaji company account nung guarantors lir.

Sen apuri telatetbatem nung aliba ama Bank nem sentsüh magütsütet. Onoki akokba tashi merangyonga sen apuri metetsümonga sen magütsü aser tatensa RBI telatetbatem nung aliba ama tekalen shia aliba accounts ya 'Non-Performing Asset' ta **31.03.2021** nung züngshiogo.

Bank-isa account operation nung tim masüba aser sanction nung aliba telatetbatem mebenshiba aika reprangtetogo, talisa Reserve Bank of India-i 'Wilful Defaulter' ta züngshitsüsa lateta aliba pezü densema lir.

Reserve Bank of India-i 'Wilful Defaulter' ta sangdongtsüsa lateta aliba pezü unit/company-i inyakba	Kuli balala ajanga unit/company inyaksangshiji sayur aser 'wilful Defaulter' ta sangdongtsüsa pusemer/nungiter																												
Metetsümonga sentsüh magütsür: Clause 2.1.3(a)- Sentsü agütsütsü koka lir saka agütsütsü memelunger: Unit-i sen apütsür nem sentsüh agütsütsü tashi lir saka magütsür	The Net worth of the Borrowers & Guarantors at the time of Sanction is given below.																												
	<table border="1" style="width: 100%; border-collapse: collapse;"> <thead> <tr> <th>Name</th> <th>Designation</th> <th>Networth - 25.03.19</th> <th>Investment in Business</th> </tr> </thead> <tbody> <tr> <td>Mr. Kiyelu Sumi</td> <td>Director / Guarantor</td> <td>5.25</td> <td>0.69</td> </tr> <tr> <td>Mrs. Kimiyetoli Achumi</td> <td>Director / Guarantor</td> <td>2.88</td> <td>0.02</td> </tr> <tr> <td>Mr. Akato Sumi</td> <td>Guarantor</td> <td>5.96</td> <td>-</td> </tr> <tr> <td>Mrs. Nukshikala Jamir</td> <td>Guarantor</td> <td>1.50</td> <td>-</td> </tr> <tr> <td><b>Total</b></td> <td></td> <td><b>15.59</b></td> <td><b>0.71</b></td> </tr> <tr> <td colspan="2"><b>Total networth (excluding investment in business)</b></td> <td colspan="2"><b>14.88</b></td> </tr> </tbody> </table>	Name	Designation	Networth - 25.03.19	Investment in Business	Mr. Kiyelu Sumi	Director / Guarantor	5.25	0.69	Mrs. Kimiyetoli Achumi	Director / Guarantor	2.88	0.02	Mr. Akato Sumi	Guarantor	5.96	-	Mrs. Nukshikala Jamir	Guarantor	1.50	-	<b>Total</b>		<b>15.59</b>	<b>0.71</b>	<b>Total networth (excluding investment in business)</b>		<b>14.88</b>	
Name	Designation	Networth - 25.03.19	Investment in Business																										
Mr. Kiyelu Sumi	Director / Guarantor	5.25	0.69																										
Mrs. Kimiyetoli Achumi	Director / Guarantor	2.88	0.02																										
Mr. Akato Sumi	Guarantor	5.96	-																										
Mrs. Nukshikala Jamir	Guarantor	1.50	-																										
<b>Total</b>		<b>15.59</b>	<b>0.71</b>																										
<b>Total networth (excluding investment in business)</b>		<b>14.88</b>																											
Clause 2.1.3(c)- Senotsü tanga nungdak nung amshiba: Unit-i sen apütsür nem sentsüh magütsür aser senotsü tanga nung amshi, nükjidong ka atema senotsü teyari agi saka iba nükjidong atema mamshiba dang masü saka unit ket nung tanga kiojen nungi alangzüksüsa tanga osettem mali	Anungji sen apurtem aser Guarantors-i sentsüh agütsütetsüsa lir saka pamoki metet sümonga Bank nem sentsüh magütsür. Company-i 29.03.2019 anogo nung sen crore 2.00 nguogo. 31.03.2021 anogo nung iba account ya NPA kümogo aser 30.11.2023 anogo tashi nung Book Balance ji sen crore 1.87 lir. 02.02.2023 anogo nung tesüsabuba unit semdangba apibo unit ji shibangogo aser stocks mali. FY 2019-20 kümsük atema CC account nung total credit turnover ji sen crore 2.65 lir aser FY 2020-21 kümsük nung sen crore 0.10 lir. CC account nung temalen shia aliba credit turnover ji limit sanction den meputep. Iba dak alia 01.04.2021 nungi 30.11.2023 tashi nung credit turnover ji sen crore 0.10 dang. Iba dak alia MCA site reprangba sasep nung 28.01.2018 anogo nung Company tentetba mapang nungi tang tashi nung Financial Year ka atema danga Audited Balance Sheet file masü ta reprangtetogo. Anungji sen apuri bank funds tim mesüi amshi aser Bank finance ji tanga nung amshi.																												

Sen apuba company tsütsülen nungi metetsümonga sentsüh magütsüba indang temalen shia aliba kulitem aser parnok Directors / Guarantors ji Executive Director leniba nung Bank indang wilful Defaulter Screening Committee-i reprangshio. Tatensa committee-i, pamoki metetsümonga sentsüh magütsü ta bangjem.

RBI telatetbatem nung ajemdaker sen apur company M/s. AKI Automotives India Private Limited, parnok Director- Mr. Kiyelu Sumi, Mrs. Kimiyetoli Achumi aser Guarantors- Mr. Akato Sumi & Mrs. Nukshikala Jamir nungeji temalen shia aliba kulitem nung ajemdaker Bank-i 'wilful Defaulter' ta asütsü benokogo.

Nenoki melungra iba shidi anguba sülen anogo 15 tsüngda iba dak sendakba telangzüba Bank nem agüjang. Iba dak alia nenoki melungra tsüngdong arua kuli ashitsü akok. Yimibilema ya metetang, anogo lateja aliba mapang tashi nung telangzüba magütsüra aser/mesüra tsüngdong arua kuli ashitsü atema temepishiba magütsüra nenoki ashiba kuli jagi Bank melung mesüra Bank-i sangdongtsü aser RBI, CIBIL aser tanga Credit Information Companies danga Borrower Company tenüngtem aser Directors / Guarantors ji 'wilful defaulter' ta metetdaktsütsü aser legal tsütsülen nungi inyaksangshitsü.

Zonal Head  
 For Wilful Defaulter Screening Committee (WDSC)





## TIR YIMYIM YIMOBILEM (EDITORIAL)

DIMAPUR YANGTEPNÜ, DECEMBER (LUCHII) 05, 2024

### Mobile amshiba ya angati masü

**A**senoki sen agütsür amshir ser nung angati amshir amai bilema amshiba oset kaji smart mobile phone ya asütsü. Aji oda, kidang tsürabur nungi tenzüker tanurtem tashi aser shishilembadak aonsutsü ayokertem nungi tenzüker dokan nung amenertem aser gari nung jajartem kar mobile nung anguoker repranger aser kar kija ser nung mobile nungbo jembimanener ta angutsü. Aji oda, kidang tsüraburtem asoshia kidang alir apuani aser tanurtem dang nungibo smart mobile phone nung jembisang mesüra jembila medemerjiang taoba aser tongtibangba ama bilema mapanga tao memeteti jembir. Kasaji, aiür asangurtema ki mapa inyaksübjibo yutsür mobile nung jembiba agi aser mobile nung arubatem repranga langzütepba agi pei yiptena merenemtet, kaket azüngtsübo pongmang ta kodang anü adoker kodang aluar memeteti kibong aküm meshia akümer. Iba yimya nung intetba agi, kibong kümer külen mapa inyak mashi nungji sen arulen mali mobile recharge mesütet timtem ajurur. Atangji, mobile phone amshiba ajanga, tamshi shia amshira, senotsüa aar aser mapanga kümzüker. Ibaji mobile phone yangluteta asenok nem agütsür nükjidong ser alitsü südi. Ajisüaka, tanübo mobile phone ya o jembitsü atema dang masü saka internet ajanga mobile nung noksa repranga jembitsüsa aser angutsüsa yangluteta aka nungji, asenok kar anogo piyong WhatsApp repranga sensaksema amonger, kar Instagram aser Facebook repranga amonger aser kar YouTube nung amonger ta asenok shinga asangsang lima nung asen mapa nung züngzunga inyaka amongerbo mali kümogo. Iba jagi asen kidang aser asen lima nung rongsen renloker masü rongsen lalur. Aji oda, asenoki phone nung jembiba second shia aseni amshiba mobile company nem sen züngtsüdar ta bilemdi. Kasaji, asenoki WhatsApp amshi shia aser Facebook mesüra YouTube repranga second aser minute shia aseni amshiba mobile company nem sen agütsüdar ta mamatsüla. Aji oda, asenoki mobile amshi tenzükbaji mobile company nem sen züngtsü tenzüker ta bilemdi. Atangji, aseni mobile recharge asü shia agütsüba senji mobile company purtemi mobile nung o kisung jembiba aser sms yoktepba dak alaka smart phone nung asenok nem reprangdaksütsüsa aser angadaksütsüsa sentong tapu balala yanglua yokertem den lemsateptsü. Anungji, asenoki smart phone nung anogo piyong tapu tapu repranga amongba ya asenok nungi tangarbo sen aadagi ta bilemdi. Atangji, alima nung ya kar sen aatsü aser kar endoktsü, anungji sen aar o teindoker naji külem külemi aoer. Ajisüaka, anogo shia sen endoka amonger dang nungibo minute shia sen aa amonger tajungba. Ibaji kodang asenoki angatetdir, asenoki mobile phone ya kanga nungdak nung dang amshitsü aser kodang asenoki mobile phone ya kanga nungdakba mapang nung dang amshidir, iba jagi asenok mapang kümzüksü. Aji oda, mapang kümzüka amshiba nungji tajung, tajanzük aser temoatsü aika keta lir. Idangjibo, aonung mapang shitak nung mejangtettsü aser anepdang yakta saktettsü aser memeteti ki mapa ajunga yakta temer alitsü. Aji oda, mobile den mapang endoktsü melena kidang pei apuani aser chirnurtem den otsü tajung atonga kazütettsü aser medemertema ajurua shisalemsateptettsü. Joko, nungdak nung dang amshir asünungji, akhidangbo anogo shia amato mobile recharge süa aliba to ita nung khena recharge masüyonga sen tera agi periadoktsü. Aji oda, asenoki mobile phone amshiba ya angati ama bilema amshir saka asenok ajanga mobile company dang masü saka Google ama tanga company dena tajanzük tulu angur. Aji oda, mobile company purtemi asenok nem angati mobile phone amshidaksüyonga Google ama company ajanga asenoki mobile amshiba nungi aseni jangraba, asenoki nükshiba, aginüba aser chinüba aser reprangnubattem puteta tangar dang ayoker. Iba jagi kodangsa asenoki mobile nung Instagram, YouTube mesüra Facebook amala lapokdir, asenoki mebushiyonga jet ta asenoki aginüba, reprangnuba aser chinubattem yangji adoka angur. Tanü asenok aliba putu ya iba putuji lir. Aji meteta, asenokbo anogo piyong kecha meinyak tangar nem dang sen züngtsüa kazür mekümi asenoka tangar amaji mapang agi sen akümtsü merangtsüla.

## OLEMSABANG

### AO OSHI OJANG KAR MEDEMDANGBA

~ P. Renthly Jamir.

(Yashi adok nungi...)

18. **AITEP/INTEP**:- Ana ya tera balala. Mamatzü O antsü na külemi jamos agi aitep. Yitzü den tzü intep. Aiteper ajem külemi inoker/ inteper ayok. Aitep yabo inoker ano aishiba.
19. **APTEP/LOKTEP**:- Ana ya tepila mali nisung ana aptep telok ana loktep. Tanishiba ana aptep parnok party loktep.
20. **BENJATEP /POLUTEPEP**:- Ojang ana ya mesükteper saka tera balala kidang oset benteta mayu benjatep. Lesson kobaang mazung kata makok pulutepep. Oset benjatepa ayu. O pulutepepa jembir.
21. **BANGSENTEP/MERUTEPEP**:- Ana ya balala telok senden nung obang mapu bangsentep. Taliba O Narola na asayara masü ochia masü ta takok toktepa O nung merutepep.
22. **BELEPTEP/MEYIPEP**:- Ana mesükteper saka tera balala. Beleptep süra bentettsü yanglushitsü tasak. Sü arar ang ajak beleptepa ara meyipectep süra yanglushitsü tasak masü. Injong meyipectepa atong.
23. **CHITEP/TSÜKTEP**:- Ana ya mesükteper saka tera balala. Chitep lenti nung ka külen nungi arur ka külen nungi ta ajungbena chitep. Lenkulep ka nung Gari ana tsüktepep chitep mekongshi tsüktepep kongshi.
24. **JEMBITEP/LEMTEP**:- Ana ya tera balala Jembitep asung telok ka alui aotsü jembitep. Telemtetba ka agi. Lemtepep yanü alu arungi aotsü maotsü lemtepep. Ano telemtetba magi.
25. **KEPTEP/LONGTEP**:- Ana ya kasa saka tera tepila lir. Keptep yimden mepu O mepu na tsungda telemsa adoker odi odia keptep. Longtepep ano temai adokabo merarateper saka telung nung longteper mokozü longtepepa tsükchiteper. Yim O yimna keptep yim telung nung ken o longtepep.
26. **KÜPZÜKTEP/YANGTEPEP**:- Ana ya tepila mai kasa tamajung mesüra tajung anaprongla nung tsüa akaba küpzüktepep yangtepep.
27. **KETTEP/SENTEPEP**:- Ana ya kasa temeimtep meimtepba ojang kaka lir. Parnok teti tenu ka o ka na onsara kettepep. Par nübener asüyonga onsara sentep. Senarutepepa kati ka taoba ta alir.
28. **KATITEP/KÜPTOKTEPEP**:- Ana ya kasa saka katitepep süra tang asütsüa akok küptoktepep ta süra tejen sentsüh tsüa aliba .
29. **KUREMTEPEP/OMTEPEP**:- Mesükteper saka tera balala kuremtepep süra pi o pi na asütsüa akok lia nung alir dena asütsü. Saka omtepep ta süra teimba külemi alir aser kinunger asütsü.
30. **LONGSOTEP / PELATEPEP**:- Ana mesükteper saka balala longsotep süra timtema okronga-a longsotepeptsü tzunglu aja-a anü tatsük pua alu wadang nung longsoteper. Tongshi taret makok apur saka longsoteper. Saka pelatepepa yabo anisungzüka kazütep dang chiyungtsü tajung chitepdang pelateper. Longsotep yabo tasüdanga longsoteper.
31. **LÜTSÜTEPEP/TILUTEPEP**:- Ana ya tepila mali saka tera balala lütsütepep ta süra asayatepepa kati kati jembitepepa saka tilutepep süra yabo O tamajung akulutepepa kati ka anema tilutepep.
32. **METSÜTEPEP/TSÜNGTEPEP**:- Ana ya kasa saka kar kar nung balala jembir. Metsütepep süra taküm tasü aliba anaprongla nung jembir vote agütsütsü nisung tali metsütepepa aru. Kozüdong tali metsütepepa atem. Tsungtepep alu nung Nü tera tsungtepepa azung menti tali tsungtepep. Atsü tsungtepep tsungtepepa atsü.
33. **LUTEPEP/TITEPEP**:- Ana ya mesükteper lutepep süra oset titepep süra nisung kimung ka sen lakh ka agi aliba lutepep. Aiür ka agitsü asünga ayuba titepep. Oset alitepepa lutepep kiyimtsü asungtepepa titepep.

(Maneni asung adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir



# Teimla makai shiranger yaria südaktsüba ozüing Khristantemi aitsür



London nung telok kati 'assisted dying bill' anema longkak aيتدang tangokba noksa nung angur.

**December 04, 2024:** Taoba Hokobarnü UK nung tatartemi 'assisted dying bill' atema vote agütsütepba sülen UK nung Khristan lenirtem aser meimchir temeden atema inyakba teloktemi iba bill aitsüdar.

O entepba sülen House of Commons nung züngsem 330 nungi 275-i England aser Wales nung mapang talangka timtema shirangertem aser ita 6 den tajemba taküm alitsüpur shirangertem yaria südaktsütsü pusema vote agütsü.

Tatembangbuba voting ji sangküm agütsü. Iba ya ozüing akümsü atema Parliament nung Chambers anaprongla nung agizüktsüla. Tang tashi nungbo UK nung shirangertem yarisema südaktsüba ya ozüing alema lir aser aibelenertem küm 14 tashi tepuokdak ayutsü akok.

2015 küm nunga assisted dying bill ka benoka vote agütsütep saka tamakok angu, ajisüaka tawa voting nungbo takok nguogo.

Evangelical Alliance nung CEO, Gavin Calver-i, "Asen putu mapang loktiliba nung tang temelenshi tulutiba alitsü atema benoker. Tia maka, iba bill ajanga asen loktiliba nung soseta asütsü atema ozüing ajema temelaba agütsütsü," ta ashi.

Joko teimla malir shirangertem yaria südaktsütsü ozüing agizüka aliba linüktemji Canada, New Zealand, Spain aser Australia lir. US nunga Oregon, Washington aser California densema state aika nung iba ozüing agizüka lir.

Iba bill benokertemibo, iba bill ya mapang talangka shi nung kanga timtema shirangertem temeim agi südaktsütsü atema

lir, ta ashir.

Ajisüaka UK nung denomination balala nungi Khristan lenirtemi, iba ozüing ya ajanga meimchir ka taküm senti süa mezüngshir aser iba ozüing ya ajanga kanga tantsürtamburtem mesüra matamabensartem takoksa angutsü, kechiyong parnoki parnok ya tangar atema khuret ka ama bilema parnoki asütsü atema telemtetba agütsü, ta ashir.

Khristan lenirtemisa, yaria südaktsütsü melenbo tatembangbuba anogo ishika tsüngda shirangertemji tajungtiba nung anepalutsü atema dang health-care system alitsüla, ta ashi.

Evangelical Alliance-i iba bill ya ozüing mekümdaktsütsü atema maneni inyaktsü, ta shiogo.

# Taküm YouVersion nung nisung teimtübai azüingba laiji Filipi 4:6 lir

**December 04, 2024:** Bible app YouVersion-i 2024 küm kanga nungtugu Lai tekong balala sangdongogo aser taküm YouVersion nung nisung teimtübai azüingba Lai tekongji Filipi 4:6 liasü, ta parnoki metetdaktsü.

Filipi 4:6 nung yamai zülua lir, "Kecha nunga temelung tatemma, saka ajak nung sarasademba aser mepishiba aser tenüngsang agi nenoki meshiba Tsüngrem nem metetdakjang."

YouVersion tentetsang aser CEO, Bobby Gruenewald-i, iba Lai tekong kanga sapua azüingba ajanga nisungtemi koda-masüba tensa nung Tsüngrem dangi meyipba jangjar, ta ashi.

"Aiben asenoki nungdak maka nung shisabulua temelung atemer," ta Gruenewald-i ashi.

"Ni ashitsü agibo, taküm nisungtemi iba Lai tekong kanga sapua azüingba ajanga asenoki Tsüngrem dang sarasademba aser pei khuret abentsü atema Tsüngrem dak tamang akaba jangjar," ta pai sangdong ka ajanga metetdaktsü.

YouVersion-i ashiba agi, taküm parnok indang Bible app

ajanga sarasademmer aika liasü; 2023 küm den medemdangra taküm iba app ajanga sarasademba shilem 46 agi teimba liasü.

App nungji nisungtemi pei medemertem den sarasadem onük lemsateptetsü, tangar den külemi sarasademtsü aser tangar atema sarasademtsüba lemsateptsü atema 'features' densema lir.

Iba dak alia YouVersion Bible app nung taküm nisungtemi kanga sapua bushiba olong anaji sarasadem aser tesünep na liasü, ta YouVersion-i metetdaktsü.

Anogo shia iba Bible app nung Lai azüingertem kanga renlokbaji Central Africa aser Eastern Africa nung liasü, iba dak alia anogo shia Bible App for Kids amshir teimtüba akümba continent-a Africa sa liasü.

YouVersion-i ashiba agi, iba app amshirtem kanga ajema akümba tesemji Latin America liasü. Spanish oshi jembirtem atema Mexico City nung parnoki regional hub ka amenoktsü tebilemba lir, ta parnokisa metetdaktsü.

"Alima tesem balala nung

nisungtemi YouVersion nung Laishiba azüingba ngua kanga pelar," ta Gruenewald-i metetdaktsü.

YouVersion ya 2008 küm megachurch Life.Church-i tenzüka liasü aser tang tashi nung alima nung nisung million 875-i iba app download süogo.

Yaküm YouVersion kanga nisung teimtübai azüingba Lai tekongji Isaia 41:10 liasü aser 2022, 2020 aser 2018 kümtem nunga kanga nungtugutiba Lai tekongjia Isaia 41:10 sa liasü.

2022 küm YouVersion Bible app nung Lai tekong teimtüba lemsatepba Lai tekongji Isaia 41:10 sa liasü liasü; Isaia 41:10 nung Tsüngremer tekümzükba aser tesüneptsüba indang shia lir. Isaia 41:10 nung yamai zülua lir, "Anungji na tsübuua teli, kechiyong Ni nü den lir; tamataria teli kechiyong Ni nü Tsüngrem lir. Ni na tashi itdaktsütsü aser na yaritsü. Ni na Kü teka tajichi agi ajungkettsü."

2020 küm coronavirus wara sashia aliba mapang nunga YouVersion temaba jenjang nung kasa Lai tekong (Isaia 41:10) ya liasü.

# ANOGO ABEN TSÜNGREM DEN

## Tesendaktep Ozüing Masü

"Kechiyong Khrista Yisu nung taküm Tanela ozüing agi ni temenen aser tasüba ozüing nungi nüji kümdaktzür" (Rom 8:2)

Tanela nung jajabaji anema alitsü asoshi inyaktsü agütsüba mapa dang nungi tali tesendaktep lir. Tatishitsü ka bilemdangdi : Na kibong akümdang, kati ka nungdak ajak nung yaritepa tesendaktep junga ayutsü asoshi ozüing (rules) kar nung mangadaker tenzüksü akok. Saka küm ishika süir külen yanglua akaba ozüing kar nung melira, kati ka den o a mejembinütsü mesüra temeima memeimtepntsü. Satiba nükrangdongji ozüing atena oa tesendaktep renloktsübaji lir.

Mesüra sarasadem indang bilemdangang. Nai tongmelang agi sarasademtsü angazüka lir. Tenüngsang agütsür, temenen nangzüker, tushir, mepishir. Saka na Khristan kümer (temulung meyiper) küm ishika dang süra aser ne sarasadem o iba dangi tarokba mesüra, nai sarasadem onükji zütoker. Sarasademji Tsüngrem den sendaktepba aliba oshi ka lir. Kasaji Tanela agi jajabaji Tanela den tesendaktep lir, koba agi tajung tamajung bentettsür.

Oba, kü taküm Ne den tesendaktep aliba asoshi Ne tenüng asanger.

# US nung taküm Laishiba teimtüba ayok



**December 04, 2024:** Taküm US nung Laishiba menüingba shilem 1 agi tajemba liasü, ajisüaka yaküm küm den medemdangra taküm Laishiba ayokbaji shilem 22 agi teimba liasü, ta book tracker Circana BookScan-i metetdaktsü.

BookScan data ajanga ashiba agi, 2023 küm piyong nung US nung Laishiba million 14.2 ayok saka takümbo October ita tashi nung Laishiba million 13.7 yoker liasü.

Osang ka ajanga ashiba agi, nisungtemi temelung atemba mesüra shisabuluba agi teimla bushir, iba denji külemi marketing aser designs kulitem ajanga Laishiba kanga sapua aliteper.

Osangbener den jembidang Evangelical Christian Publishers Association nung tir, Jeff Crosby-i, "Nisungtem shisabulur mesüra parnoki pei chirnur aser semchirtem atema shisabulua bilemstsür. Iba ya artificial intelligence aser election dak keta lir aser ajaki

tarendakba kecha makai liner," ta ashi.

Laishiba design indang website Lectio.org tentetsang, J. Mark Bertrand-i, "Laishiba nung aliba shisatsü metettsü jangrartem aika lir, ajisüaka teyakyak nisungtemi Laishiba marketing aser Bible study jangrar," ta ashi.

Tyndale House Publishers nungi Amy Simpson-i, Gen Z lanurtem aser college azüingertem Laishiba kanga sapua azüingtsü jangrar, ta ashi.

Küm shia 'bestselling book of the year' ji Laishiba alir.

2013 küm study ka ajanga yamai bushiteta liasü, America nunger nisung 10 shia nungi nisung 9 ket nungbo Laishiba lir; küm 10 sülenbo (2023 küm) America nunger shilem 92 ket nungno Laishiba liasü.

American Bible owners-i ashiba agi, US nung kibong shia nung Laishiba 3 dak tali lir aser kibong shilem 24 ket nungbo Laishiba trok mesüra iba dak tali lir.



AO OSHI ANGAZÜKDAK:

TANÜ ANGAZÜKTSÜBA OJANG

Tasüto

(n) Shitipak nung taren ka züluba ( line in writing)

\* Laishiba nung shia aliba tasüto kata mataloki malitsü.

Tasütsü

(adj) taküm tembangtsü ( to die)

\* Nisung ajaki tasütsü tsübur.



Tir Yimyim

OLONG PAITEP # 7002

Grid for crossword puzzle #7002 with numbers 1-18 indicating starting positions.

TIPIEN

- 1. Inyaker ajangtetba - (3)
3. Bangsemo adokdak - (5)
6. Shitak mesüi inyak - (7)
7. Ya mimong nung angur - (3)
9. Reprangzük - (4)
10. Tasola - (5)
11. S \_ \_ \_ \_ - (4)
13. Yagi ajak ashioktsür - (3)
15. Ki aokba oset - (7)
17. Ak shi nung inokba tasen - (5)
18. Ishika - (3)

LANGTSÜNGLEN

- 1. Meshidak - (3)
2. Tanaben soshir - (7)
3. Iba anogo - (4)
4. Meshi - (3)
5. Yagi mi tsükloker - (9)
6. Shi tapu ka - (9)
8. Yagi ayimer saka ozü masü - (3)
9. Ajokba shiruru ka - (7)
12. Inyaktet - (4)
14. \_ \_ \_ hi - (3)
16. Akümüli nungi pilar - (3)

OLONG PAITEP # 7001 TELANGZÜBA

TIPIEN :

- 1. Telok, 4. Aluru, 6. Ozüng,
8. Emk, 9. Kin, 10. Teti, 12. Süir,
13. Jen, 14. Ola, 16. Talak,
17. Mazük.

LANGTSÜNGLEN :

- 1. Tenükjang, 2. Luden, 3. Kioktsü,
5. Lenti, 7. Tajangzük,
11. teronem, 12. Sempa,
13. Jahaz.

NAI-A YA METETTER MA



UAE nung 53 buba National Day amongdang fireworks amshiba ajanga Guinness World Record ka yanglutetogo. UAE kübok Al Ain city nung "longest chain of fireworks" otsü yanglutet. Iba ya December 2, 2024 nü UAE 53 buba National Day amongdang yangluba lir aser iba yimti nung kilometer 11.1 tashi fireworks amshia liasü.

Bangladesh nung Hindu nunger amakba anema lungkak ait

Dibrugarh, December 4, 2024 (Agencies): Dibrugarh, Assam nung Lok Jagaran Manch-i Mongulbarnü Bangladesh nung Hindu nunger amakba anema lungkak aitba sentong ka agiogo. Parnoki Chowkidingee playground nungi District Commissioner office tashi jajayonga ao.

Bangladesh nung amakba ya alima ajungalen Hindu nunger amakba ama lir aser India sorkari Bangladesh nung Hindu nunger reshikangshiba anendaktsütsü atema mapa inyaktsü ayongzükür ta parnoki metetdaksü.

"Bangladesh sorkari Hindu nunger anema ken o tiyazü benokba anema lungkak aitogo. Bangladesh sorkari Hindu nunger reshikangshiba anentsü akhanger" ta parnokisa ashi.

"Bangladesh nung Hindu nunger aser tanga minority people reshikangshiba anentsü akhanger. Onoki Hindu nunger ajak longjemtsü aser Bangladesh nung Hindu nunger reshikangshiba atema ola adoktsü ayongzükür" ta Lok Jagaran Manch züngsem kati ashi.

Parnokisa Dibrugarh District Commissioner ajanga Bangladesh nung interim government chief advisor Mohammad Yunus dangi memorandum ka yokogo.

OFFICE OF THE JANGPETKONG STUDENTS' CONFERENCE

H.Q : Alongkima, Dist:- Mokokchung : Nagaland.

Motto:- "Advancement in Unity"

Ref.No:

Date:4/12/2024

TENÜNGSANG AGÜTSÜR

NPSC ajanga CTSE tatidang result sangdongba nung takok tajung ngutetba asoshi item takok angur nem tenüngsang agütsür.

- 1. Kr. Imtisenla D/o Lt. Kilangwati, (Khar). Junior Engineer, Water Resource Department. Govt of Nagaland.
2. Kr. Tsuktirenla Longchar D/o Mr. Sarendi & Mrs Temsuchila Tzudir (Molungkimong) Pharmacist Under H&FW Govt. of Nagaland.
3. Sp. Martemsu T Imchen S/o Mr. K Taketh Imchen (Mongchen) SDO (Civil Engineer PHED), Govt of Nagaland.
4. Sp. Imlichuba Imchen S/o R. Wati Imchen (Mongchen). Fishery Inspector under Dept. of Fisheries and Aquatic resources, Govt of Nagaland.

Maneni, All Asia Students Convention 2024 November 24-29, Thammasat University, Bangkok nung sentepba mapang Kr. Tiaben Changkiri D/o Rev. Dr. Meyu Changkiri (Changki)-i Mixed Vocal Duet nung Gold Medal aser Musical Ensemble Category nung Bronze ta ngua takok tulu anguba asoshi pelaba den külemi tenüngsang akütsür.

Tsüngrem-i nenok wadang aser shisatsü bushiba nung tali moajangma.

Sd/- (Alemsashi) President, JKTM.

Sd/- (Imliakum) General Secretary, JKTM.



SANGDONGER

Petition for truing up of Transmission tariff for 2019-24 and determination of transmission tariff for 2024-29 tariff block for Petition-1: Transmission tariff for 2019-24 yanglushiba aser Petition-1 atema 2024-29 tariff block transmission tariff asadanga: Tanga aliba Unified Load Despatch and Communication (ULDC) Microwave links and Petition nung Fibre Optic Communication system kübok Assets, Petition-2: Pallatana Gas Based Power Project (GBPP) aser Bongaigaon Thermal Power Station (TPS) Transmission System Associated kübok Assets, Petition-3: Agartala GBPP, Petition-4 nung Transmission System kübok assets; Kopili Khandong (Additional Transmission Gohpur Itanagar), den sendakba Petition-5: Transmission system: Doyang HEP, Petition-6 den sendakba Transmission system: Kathalguri Gas based Combined Cycle Project, Petition-7 den sendakba Transmission System kübok Asset: Kopili Hydroelectric Stage-I extension project (2X50 MW), Petition-8 den sendakba Transmission System kübok Asset: Loktak HEP, Petition-9 den sendakba Transmission System kübok Asset: 132kV S/C NER Augmentation and Petition-10 den sendakba Transmission system kübok Asset: Ranganadi HEP in North Eastern region sendakba Transmission System kübok Asset.

2. Tamalen shia aliba Transmission system nung beneficiaries ji: (a) Assam Power Distribution Company Limited (b) Meghalaya Power Distribution Company Limited (c) Government of Arunachal Pradesh (d) Power and Electricity Department, Mizoram (a) Electricity Dept of Puducherry (DOR Nagaland (a)TSECL.

3. Tariff details:

a) 2019-24 block

Table with columns: Petition no., Asset Detail, DOCO/Effective DOCO, Completion Cost as on 31.03.2024, and years 2019-20 to 2023-24. (Rs. In Lakhs)

b) 2024-29 Block

Table with columns: Petition no., Asset Detail, Completion Cost as on 31.03.2029, and years 2024-25 to 2028-29. (Rs. In Lakhs)

4. Applicant indang website www.powergrid.in nung determination of tariff atema application copy ka yujalir. 5. Petition nung aliba determination of tariff nung tebilamba aser ashishetep kar lira, nisung mashii kati agütsütsü ako.

5. Commission dangi e-filing portal ajanga Secretary, Central Electricity Regulatory Commission, 6th, 7th & 8th floor, Tower B, World Trade Centre, Naoroji Nagar, New Delhi - 110029 (msüra Commission indang office aliba address), corporate office indang address nung petitioner dangi copy ka den iba sangdong agütsür anogo 30 tsüngda agütsütsüla.

Place : Gurgaon Date : 04.12.2024

S/d Chief General Manager (Commercial/RC)

POWER GRID CORPORATION OF INDIA LTD

(A Government of India Enterprise) Registered Office : B-9, Qutab Institutional Area, Katwaria Sarai, New Delhi 110 016 Corporate Office : "Saudamini", Plot No.2, Sector-29, Gurugram, Haryana - 122 001 Website: www.powergrid.in, CIN: L 40101 DL 1989 GOI 038121

A Maharatna PSU



### Kosasanger Pusu Menden

Ungma : Mokokchung

#### AGREEMENT/TEZÜLUTEPBA AJAK NI AGIZÜKER

Ni Tekamanen Lkr, S/o Lt. Imdongpongba Lkr, Dibua, keti Talikokba Lkr aser asür Soyimkum, S/o Mejungnangpong Salong Ungma, koba agreement/ Tenangzüktepba tezüluba nung lir, ajakji (documents) ni tanü Ungma Kosasanger Pusu Menden (court) nungi ajak agizüka ni kü ket nung ayur. Iba documents ya Soyimkumba süadok nungji akümlir Talikokba tenoji ni, anungji ni agizüka ayur.

20.9.24  
IMTJUNASHI Longkumer  
TEKAMARO  
DIBUA  
TEKAMANEN LKR.  
SONY...  
Dibua  
(IMTJUNASHI) (LIPOKZULU LONGKUMER) (IMKUM PONGENER)  
TATAR TATAR TATAR

### JEMTIMENBA MOLLIER FOUNDATION

Küzmüng Ter Abensaba Nüngtem Sentong

Anogo : Luchii 7, 2024 || Mapang : 11:00 Ako nungi  
Tesem : Ao Senden Kilem

- Sentongnir : Wb. Aso Imsong, JMF Züngsem
- Sarasademtsü : Rev. Sentimeren, Asso.Pastor, MTBA
- Tarur Pela Agizükba aser JMF Ratet : Dr. Tali Imsong, JMF Mendenbuba
- Jemtimenba Mollier Kendong Saya : Wb. I. Anungba Sanglir, JMF Züngsem
- JMF Kibong Nungi Mulungnen O : Dr. Nandira Changkija  
Rtd. Principal Director, H&F Welfare Govt. of Nagaland
- Tepela O : (i) Wt. Imtilemla, Principal, IBS  
(ii) Sb. Tongpangmangyang Kichu  
Tir, Ongpangkong Kaketshir Mungdang
- Temeja Ken Ka : Tebenjem Kentener, CTC.
- JMF Nüngo Kaket Saya :
- Ni Ya Shinür : Wb. Marsanen Imsong  
Tir, Ao Senden
- JMF Senpet Agütsütsü : Wb. I. Temjen Tzüdir, JMF Tezülür  
(i) HSLC  
(ii) HSSLC  
(iii) Clark Theological College  
(iv) Arangtet Tatidang
- Tenüngsang Agüja Sarasademtsü : Rev. Longri, Yimyu

### JMF SENPET AGIZÜTSÜPÜRTEM



**Kr. Taliungla Tzüdir**  
D/O. : Wb. Waluniba Tzüdir  
Yim : Moayimti  
Marks : 98 (Ao, HSLC - 2024)  
Dimapur Mission Hr. Sec. School



**Sb. Marnungtet**  
S/O. : Wb. Imoliba  
Yim : Mongsenyimti  
Marks : 97 (Ao, HSSLC - 2024)  
Queen Mary Hr. Sec. School, Mkg.



**Kr. Akumnar Ozüküm**  
D/O. : Wb. Imtisama Ozüküm  
Yim : Yimjenkimong  
Marks : 83 (Ao Subject - 2024)  
Clark Theological College, Aolijen



**Kr. Imsanenla C Jamir**  
D/O. : Wb. Chubayanger Jamir  
Yim : Ungma  
Marks : 83.6% (Arangtet Diploma Tenren - 2024)



**Kr. Kajenmenla Jamir**  
D/O. : Asür Imkongramok Jamir  
Yim : Longmisa  
Marks : 81% (Arangtet, Post Graduate Diploma Tenren - 2024)

#### TEMETETSÜ :

- Iba sentong nung Jemtimenba Mollier Foundation nung züngsem kibong ajak arua adentsü jaoker.
- Iba sentong nung adentsü asoshi Ao Senden, Watsü Mungdang, Ao Kaketshir Mungdang, Ao Riju, Impur Bible Seminary, Clark Theological College, Mongchen Senso Telungiem Mokokchung, Ongpangkong Kaketshir Mungdang, Aoli Dobashi, DEO, Mkg. aser ANPSA, Mkg. Unit nungi arua adentsü pelashishia jaoker.
- JMF Senpet agizütsüpurtem pei tsüraburi meina arutsü mepishir.
- Sentong temer külen telok chiyungba mapang alitsü.
- Iba sentong nung adentsüpur ajaki asen sobaliba sobutsü kabosa sobur arudaktsünür
- Iba sentong Tsüngrem lenisüba kübok agitetsü ajaki sarasadema atadi.

### Rara sülen Hamas aser Fatah lungjemer Gaza ketdangsütsü pangjemer

Cairo, Luchii/December 04 (Agencies): Palestinian Islamist movement Hamas aser Palestinian Tir Mahmud Abbas'er Fatah party ajanga rara sülen Gaza ketdangsütsü asoshi committee ka tentetsü mulungtepogo, ta telok anatsü nungi ken o jembirtemi Mongulbarnü ashi.

Egypt tetsüngtai ia Cairo nung jembishinü akaba sülen kati ka den toktepa aliba Palestinian movements ana yagi committee ajanga Egypt den Palestine tsütsü Rafah crossing ketdangsütsü mulungtep, aser Gaza Strip nung iba kisüng ya Israel den arütsüa mali.

(Maneni tapak 8 nung...)

**Lakhuni Baptist Church**  
**PELABA LEMSATEPER**  
Impur lima nung Arogopurtem tanendak ki ka yanglutsü asoshi 2023 küm Arogo mungdangi committee ka shimteta mapa nungloksüba ama parnok kanga meranga lenla palala nungi sen lenmang bushir, Arogo nem ki tajung ka alitsüogo. Arogo tenüng nung kija aser kibongtem, Fellowship, tembar aser medemertemi committee purtem den yaritepba asoshi Yisu tenüng nung Arogoi pelaba metetdaksür. Mapa tajung asoshi asen Teyanglur Tsüngremi nenok aolen ajak nung moajang ta Arogoi sarasademtsür.  
*Kibubar wadang nung,*  
**Rev. Moa (Pastor) M. Bendang Longkumer (Clerk)**

**SANGDONGER**  
Mr. ALEMCHIBA TZÜDIR (Mangmetong) Diphupar, pai sen-o-tsü apuba dak sendakba maparen kecha adianu aser kidong-i memetet. Iba khuret ya onoki mabener ta sangdonger.  
**Sd/- Tsupong Tzüdir Kidong Chairman**

**ALI AYOKER**  
FOOTHILL LEMANG ANASA VIHOKHU NUNG ALILEPSA-AAYOKER.  
TALITSÜ KIMONG ATEMA TAJUNG ANUNGJI TALINUR TEMI  
IBA NUMBER NUNG CONTACT SÜANG SQFT. NUNG 80/-  
DIRECT CONTACT : 6009530632 / 6009094225

**पावरग्रिड POWERGRID**  
**Metetdaksür**  
North Eastern region nung North East-Northern/Western Inter Connector-I den sendaktepa aliba Transmission system kübok 2019-24 atema Transmission tariff yanglushitsü atema petition aser 2024-29 tariff block for **Petition-1**: Assets atema transmission tariff jangjatsü atema.

- Tekalen shia alima Transmission system nung tajangzük angurtem: (1) AEGCB, (2) MECL, (3) Government of Arunachal Pradesh, (4) Power and Electricity Department Government of Mizoram, (5) Manipur State Electricity Distribution Company Limited, (6) Department of Power Government of Nagaland, (7) TSEB (8) HPSEB, (9) PSPCL (10) HPPCL (11) PDD JGS (12) UPPCL (13) DTL (14) Chandigarh Administration (15) UPCL (16) RPCC (17) Northern Central Railway (18) BSES Yamuna Power Ltd. (19) BSES Rajdhani Power Ltd. (20) Tata Power Delhi Dist. Ltd. (21) New Delhi Municipal Council (22) MPPMCL (23) MSEDCL (24) GUVNL (25) ED Dadra & Nagar Haveli (26) CSEB (27) KSEB (28) TNEB (29) Electricity Dept. of Goa (30) Electricity Dept. of Puducherry (31) APEDCL (32) APSPDCL (33) APCPDCL (34) APNPDCL (35) BESCO (36) GESCO (37) HESCO (38) MESCOM (39) CESCL (40) TCTL (41) AVVN (42) Jodhpur VVNL (43) Jaipur VVNL (44) APPCC (45) BSEB (46) WBSCTCL (47) GRIDCO (48) DVC (49) Power Dept. Sikkim (50) JSEB (51) Tata Steel (52) MPL (53) IND BEL (54) Ad HPL (55) LBPL (56) HSPPL (57) MB Power (58) HBPL (59) JPL (60) KSK Mahanadi (61) PTC (62) IL&FS (63) APL (74) Torrent Power (65) HWB (66) ACB India (67) Enco Energy (68) Spectrum (69) BARC (70) BALCO (71) Dharwal Inf.L (72) DB Power (73) NHPCL.
- Tariff details:  
a) 2019-24 block  
Rs. In lakhs

Petition no	Asset Detail	Completion Cost as on 31.03.2024	2019-20	2020-21	2021-22	2022-23	2023-24	
Petition -1	Combined assets 1 to 17	09.03.2015 181653.06	Revised AFC based on truing up	27598.43	26530.83	25817.86	25300.64	24761.19
	Asset 18	01.11.2015 605923.63	Revised AFC based on truing up	78218.32	74457.58	72971.69	76672.34	79423.37
	Asset 19	02.09.2016 217363.19	Revised AFC based on truing up	25951.72	24290.50	23627.26	25806.94	27914.46
	Asset 20	30.03.2018 30444.38	Revised AFC based on truing up	4740.40	4637.12	4515.27	4390.96	4272.57

- 2024-29 Block

Petition no	Asset detail	Completion Cost as on 31.03.2029	AFC	2024-25	2025-26	2026-27	2027-28	2028-29
Petition 1	Combined asset (AC)	213698.96	AFC	27953.65	27184.08	26304.06	25422.32	16430.61
	Asset-18	612626.42	AFC	77635.48	76172.21	74199.72	72181.79	44496.09
	Asset-19	221562.54	AFC	27764.48	27438.03	26780.65	26109.28	25415.26

- Determination of tariff atema application copy ka applicant indang website [www.powergrid.in](http://www.powergrid.in) nung inokja lir.
- Petition nung aliba determination of tariff atema proposals nung temelenshitsü aser tai aputsü lira, teyari agitem densema nisung mashi kati Commission indang e-filing portal ajanga mesüra tezüluba nung Secretary, Central Electricity Regulatory Commission, 6<sup>th</sup>, 7<sup>th</sup> & 8<sup>th</sup> floor, Tower B, World Trade Centre, Naoroji Nagar, New Delhi - 110029 dangi (mesüra Commission indang office aliba address mashi dangi) petitioner indang copy ka dener corporate office dang iba sangdong adoker anogo 30 tsüngta yoktsüla.

Place: GURUGRAM  
Date: 04.09.2024  
General Manager (Commercial)  
**POWER GRID CORPORATION OF INDIA LIMITED**  
(A Government of India Enterprise)  
Registered Office: B-9, Qutab Institutional Area, Katwaria Sarai, New Delhi 110 016  
Corporate Office: 'Saudamini', Plot No.2, Sector-29, Gurugram, Haryana - 122 001  
[www.powergrid.in](http://www.powergrid.in), CIN : L40101DL1989GOI038121  
A Maharatna PSU

### Nepal-i China den Belt and Road tenangzüktepba yanglushi

Kathmandu, Luchii/December 4 (Agencies): Belt and Road inyakyim dak sendakba nung Nepal-i, China den tenangzüktepba ka nung sign süogo, ta foreign ministry-i Bodhbarnü metetdaksü.

Linük ana tsüngda Project balala atema teka amteper inyaksü asoshi küm tenet tejakdang mezüng tenangzüktepba ka yanglua liasü.

Ato Kilonser K.P. Sharma Oli anogo pezü atema Hombarnü Beijing-i ogo. July ita tir mapa agizükba sülen pa tang mezüngbuba bendanger linük katiogo. Yimya agi PM temi mapa agizükba sülen mezüng India semdanga arua liasü saka tang pai tamasa Beijing semdangogo.

Nepal aser China na mezüngbuba 2017 küm tir Xi Jinping indang Belt and Road Initiative atema tenangzüktepba ka yanglua. Iba inyakyim ya China indang infrastructure aser linük balala den shishilembatsü atema sendakteptsü asoshi lenmang yanglutsü atema lir.

Ajisüaka tang tashi nung project ka atema danga sentong yanglua mali mesüra ka danga tenzüka mali, kechiyong sendaktepa inyaksü atema inyakyim ka mamenok aser Nepal sorkari political party balala nungi temelaba monguteti aruogo.

Bodhbarnü iba tenangzüktepba nung sign asüba tetezü, linük anapronglai project benoka inyaksü atema jenjang agitsü, kong lenmang yanglushitsüba aser transportation corridors tem aser item atema senotsü koda intoktsü, item ajak densema lir.

Nepal aser China na tanü Belt and Road Cooperation atema Framework ka nung sign süogo, ta Nepal indang foreign ministry-i X ajanga metetdaksü, saka osang tejangja magütsü.

China-i Nepal nem Pokhara nung airport ka yanglutsü atema USD million 216 apuja lir. Iba airport ya Kathmandu nungi km 125 pilar lir aser taoba küm nungi inyaksangshi tenzüko.

Beijing-i iba airport yangluba ya Belt and Road inyakyim takok anguba ama züngshir, saka India-i tayimtsü tem parnok indang anüng amshitsü memelaba ajanga international tayimtsütem aika maruteter.



# NWA team Senior National Wrestling Championship atema apusogo



NWA ketdangsürtem den Wrestlers aser Coach tem December 3 nü sarasadem sentong agiba mapang tangokba noksa nung angur.

**Kohima, Luchii/December 4 (TYO):** Nagaland Wrestling Association (NWA), Senior National Wrestling Championship 2024 nung asayatsü renema lir.

Iba asayamung ya Bengalru, Karnataka nung December 6

nungi 8 tashi asayatsü. NWA Joint Secretary Kuzhovesa Soho-i sangdong ka ajanga ashiba agi, NWA tir Vivolie Kezo, Team Director ama pa lenisüba nung Nagaland team asayatsü aser Kikhwesul Thokhwe team coach asütsü.

### Asayartem vamai alitsü:

- Tebur**
1. Kusayi Tsutso (74 Kg)
  2. Nutso Yhobu (57 Kg)
- Tetsür**
1. Nosezonu Kuotsu (50 Kg)
  2. Vikono Kezo (55 Kg)
  3. VizosenoKiso (57 Kg)

Asayartem atema temaotsü meshitsütsü asoshi December 3 nü Kohima nung NWA tir Vivolie Kezo'er kidang asayartem aser ketdangsürtem den sarasadem sentong den repsema chiyongba sentong ka ayongzuka agiogo.

Nagaland team ya December 4 nü Bengalru-iogo aser parnok December 10 nü Nagaland-i meyipa arutsü.

NWA-i wrestling asaya meimertem ajak aser Naga nunger ajak dang asayartem sarasadem nung bilemtetsü mepeshia metetdaksüogo.

# South Africa den Test asaya atema Afridi meshim

**Luchii/December 4, 2024 (Agencies):** South Africa den taruba Test asayamung atema Pakistan-i fast bowler Shaheen Shah Afridi nem anizungzük agütsüogo. ICC Champions Trophy atema pa shitemang aser tekelok shisatsü ajak anema toktsütsü atema iba telemtetba agiogo, ta Pakistan Cricket Board (PCB) selector Aaqib Javed-i ashi.

England den Test asaya ana atema meshimba sülen batter Babar Azam maneni team nung züngoksemogo aser fast bowler Mohammad Abbas-a Pakistan Test, ODI aser T20I asayamung atema team-i meyipa aruogo.

ODI ICC rankings nung Pakistan nunger bowler tem rongnung Afridi kija Top 10 nung lir.

Pacer Naseem Shah shiba,

England den tanabuba Test nung masayadaksü, pa-a asayar 15 shimba nung densema lir.

Abbas-i Test asaya 25 nung wicket 90 agir lir, saka pa 2021 küm nungi Pakistan tenüng nungi Test masayai arudar. Pai tawa kanga junga asayar aser domestic asayamung pongu nung wicket 31 agia liasü.

Test nung fast bowler tem rongnungi ano Khurram Shahzad aser left-hander Mir Hamza nata densema lir.

Pakistan aser South Africa na December 10 nungi tenzüka T20 asem, ODI asem aser Centurion o Cape Town na nung Test ana asayatsü renema lir.

Tests: Shan Masood (captain), Saud Shakeel, Aamer Jamal, Abdullah Shafique, Babar Azam, Haseebullah Khan, Kamran Ghulam,

Khurram Shahzad, Mir Hamza, Mohammad Abbas, Mohammad Rizwan, Naseem Shah, Noman Ali, Saim Ayub, aser Salman Ali Agha.

ODIs: Mohammad Rizwan (captain), Abdullah Shafique, Abrar Ahmed, Babar Azam, Haris Rauf, Kamran Ghulam, Mohammad Hasnain, Muhammad Irfan Khan, Naseem Shah, Saim Ayub, Salman Ali Agha, Shaheen Shah Afridi, Sufiyan Muqeem, Tayyab Tahir, aser Usman Khan.

T20s: Mohammad Rizwan (captain), Abrar Ahmed, Babar Azam, Haris Rauf, Jahandad Khan, Abbas Afridi, Mohammad Hasnain, Irfan Khan, Omair Bin Yousuf, Saim Ayub, Salman Ali Agha, Shaheen Shah Afridi, Sufiyan Muqeem, Tayyab Tahir aser Usman Khan.

# BCCI-i Pakistan takhangba magizük

**Luchii/December 4, 2024 (Agencies):** Champions Trophy ayongzuka asayatsü aliba dak sendakba nung Board of Control for Cricket in India (BCCI)-i, Pakistan Cricket Board's (PCB) takhangba aitsüogo. Taruba küm February aser March ita asayatsü aliba asayamung ya hybrid model nung asayatsü mulunga agizükba mapang Pakistan-i takhangba ka agütsüogo, ta 'The Telegraph' sangdong ka ajanga metetdaksü.

Ita aika ken o bangdaka ayuba sülen PCB-i iba asayamung ya hybrid mode nung asayatsü mulunga agizükogo aser iba ajanga India team asayatem neutral venue ka nung asayatsü lenmang lapoktsütsü, kechiyong India team-i security dak sendakba nung Pakistan-i oa asayatsü memulungi liasü.

Ajisüaka Pakistan-i, International Cricket Council (ICC) dang iba melena BCCI-i ayongzuka international asayamungtem asayaba mapang parnoka India nung oa masyatsü ta shiogo.

"Source-i Telegraph dang Mongolbarnü ashiba agi, BCCI-i iba takhangba dak sendakba nung ICC nem osang tejangja ka agütsüogo. BCCI tenokdakdaksi tongmelang lir.

India nung security dak sendakba nung kecha amokmeren mali, anungji iba amala inyakyim ka agizüktsüji kecha nungdaka madoker," ta osang nung shia lir.

India nung taruba küm Women's ODI World Cup aser 2026 küm Sri Lanka den külemi T20 World Cup ayongzuka asayatsü lir. 2029 Champions Trophy aser 2031 ODI World Cup nata India nunga asayatsü.

ICC board virtual senden ka taoba Hokolbarnü agiogo, saka PCB-i hybrid model magizükba sülen senden ya minute 15 dang agir tembanga liasü. Ajisüaka ICC-i iba asayamung ya tanga linük kati belener aotsü ta tsübua bilemba ajanga parnoki hybrid model ya agizük, saka iba melen parnoka tarutsü nung India nung masayatsü ta shiogo.

2025 Champions Trophy nung India team asayatem Dubai nung asayatsü imlar. Iba den India semifinal aser final-i tura kasa tesem nung asayatsü.

"Iba mangatetep bentetsü atema ken o dak sendaka aliba telok ajaki meranga inyakdar aser ICC board senden anogo ishika tsüngda amentsü," ta osang ajangsa metetdaksü.

Kasa mapang nung Jay Shah-i December 1 nü nungi ICC mendenbuba mapa agizükogo.

# Novak Djokovic Brisbane nung asaya-a 2025 küm tenzüksü

**Luchii/December 4, 2024 (Agencies):** Novak Djokovic 2025 küm mezüngbuba asayamung Brisbane International nung asayatsü, ta pa indang coach Andy Murray-i Bodhbarnü metetdaksüogo.

2024 küm pai junga masayatetaka arishi küm 37 tain asayar ya Grand Slam 25buba akoktsü atema rangloker asayadar. 2024 küm pai Olympic nungbo gold medal nguogo.

"Ni Australia nung asayatem Brisbane International nung asaya-a tenzüksü aser Pat Rafter Arena nung maneni tokteptsü yongyasetata ar," ta Djokovic-i ashi.

"Australia nunger fan temi ni pusemba ajangshitsü aser iba asayamung ya teti bilemtetsüsa asayatetsü yongyasetata ar," ta paisa shisem.

Pai iba asayamung kokra pa indang career nung asayamung 100 akokba asütsü, koba Open era nung tang tashi nung Jimmy Connors (109) aser Roger Federer (103) nati dang koka lir.

Djokovic taküm Australia Open semifinal nung Jannik Sinner-i tsükdaksü aser pai küm

tepeyong nung Grand Slam ka dang mekoktetba sülen pa Margaret den kasasa Gland Slam 24 koker lir.

Melbourne nung la ajatetsü nükjidong nung pai Murray pa indang caoch asütsü shimogo.

Kasa mapang nung Australia nunger asayar Nick Kyrgios-a Brisbane nung asayaba angutsü, shiba temekok, tekanük aser tetsüng yiruba sülen küm ana tsüngda ATP Tour kija asaya ka nung dang asayar lir.

Brisbane nung asayatsüpur teburtem rongnung Grigor Dimitrov, Holger Rune, Frances Tiafoe aser Matteo Berrettini nungera densema lir.

Australia Open tesüsabuba koker alila aser world number one Aryna Sabalenka-ia taoba mapang la 2025 küm mezüngbuba Queensland Tennis Centre nung asayatsü ta shiogo.

Jessica Pegula, Emma Navarro aser Daria Kasatkina nunger densema top-10 nung aliba asayar asem aser taoba mapang Brisbane champion Victoria Azarenka nungera iba asayamung nung asayatsü renema lir.

## BENDANGLI OSANG :

Tapak 7 nungi...

### Rara sülen Hamas aser Fatah lungjemer...

Central party committee züngsem Azzam al-Ahmad-i aniba Fatah delegation ya Abbas temelaba agitsü atema Mongulbarnü Ramallah-i meyipa aotsü, ta ken o jembirtemi osangbener dang ashi.

Fatah densema aliba Palestine Liberation Organisation indang executive züngsem Wassil Abu Yussefyagi Mongulbar aonung senden jazüka committee shimba ya agizüktsü asü masü ta telemtetba agitsü. Hamas delegation ya politburo member Khalil al-Hayya-i anir liasü.

Ajisüaka Fatah indang number 3 aser par central committee nung secretary-general, Jibril Rajoub-ibo iba tezüngzüktep mapa kuma inyaka aotsü tamang makateti lemsatop.

"Ya kechi committee? Iba ken o jembitsü ya tai lir. Iba yagi telemsa adokdaksütsü," ta Rajoub-i West Bank kübok Ramallah yimti nungi

Mongulbarnü osangbener dang ashi. Gaza aser occupied West Bank nung political systems balala alitsüsa tezüngzüktep maginer, ta pai ashi. West Bank ya alimai agizükba aliba Palestinian Authority kübok Fatah-i yimsü asür.

"Onoki sorkar ka dang aginer, security inyakyim ka, aser unified policy ka dang aginer. Iba framework dak alia jembishinüba mesüra inyaksangshibaji aibelen alitsü," ta pai ashi.

"Telemsa adokdaksütsüsa mesüra Netanyahu-i jangrabana den peta mera agiba nung onok shilem magitsü," ta paisa ashi.

Hamas aser Israel tsüngta Gaza Strip anokshija raraba tatem kati arutsü meranga asendenshir jembishinüba mapang ka nung iba agreement indang ya sangdong. UN Secretary-General Antonio Guterres-i Gaza Strip nung tensa ya tetsübotsüka aser alima tatem kati arur amai lir ta ashi.

Lebanon nung Israel aser

Hezbollah tsüngta ceasefire tashi meiti aliba mapang United States-i anir Qatar, Egypt aser Turkey den teka amteper rara anentsü meranga jembishinü akar. Israel Ato Kilonser Benjamin Netanyahu'er sorkari Gaza nung Hamas samatsütsü ya par rara nükjidong tulutiba kumdaksü.

Rara atemba sülen Gaza Strip nung Palestinian Authority ajanga tongti shilem agitsü memolungba parnoki aiben lemsatopogo.

Kasaji Hamas nem Gaza nung yimsü mesükdaksütsü parnoki tashi agi nokdaka lir.

Hamas teloki October 7, 2023 nü Israel amakdang civilian tem timba sür nisung 1,208 tepsetba sülen rara ya tenzü. Israel indang mitkar temi tayang kepzüka Gaza Strip amakdang civilian timba sür nisung 44,466 süogo, ta Gaza nung Hamas meyong health ministry ajanga ashir aser UN-ia aji shidak ta züngshir.

## BILEMDANGANG

"Nai mesükshiba temoatsütem bilemdanga pela liang."